

Akcija CD: Uhapšen uposlenik Ambasade Bosne i Hercegovine u Parizu

U nastavku aktivnosti u okviru predmeta kodnog naziva CD, policijski službenici Državne agencije za istrage i zaštitu (SIPA) jučer su na području Sarajeva slobode lišili jednu osobu zbog postojanja osnova sumnje da je, obavljajući konzularne poslove pri Ambasadi BiH u Parizu, učestovala u izvršenju više krivičnih djela na način da je članovima organizirane kriminalne grupe nezakonito izdavala putne listove za žrtve trgovine ljudima, saopćeno je iz SIPA.



Za te usluge naplaćivala je između 500 i 1.200 eura.

Aktivnosti se provode po nalogu i pod nadzorom glavnog tužitelja BiH i glavnog tužitelja Pariza.

Navedena osoba sumnjiči se da je počinila krivično djelo zloupotreba položaja ili ovlaštenja, primanje dara i drugih oblika koristi, krivotvorenje službene isprave, trgovina ljudima i dr. Osumnjičena osoba privedena je u službene prostorije SIPA, gdje se nad njom vrši kriminalistička obrada, nakon čega će, uz izvještaj o počinjenom krivičnom djelu i počiniocu, biti predata Tužilaštvu BiH na dalje postupanje.

Podsjećamo, u okviru akcije CD, koja je započeta 23. juna 2015, slobode je lišeno deset osoba zbog postojanja osnova sumnje da su počinile krivično djelo organizirani kriminal u vezi sa krivičnim djelom trgovina ljudima u svrhu radne eksploatacije, pranje novca, krijumčarenje ljudi, davanja dara i drugih oblika koristi.

Kako javlja Klix.ba, radi se o Velidu Hamdičeviću, bivšem direktoru CSB Zenica. Ministar vanjskih poslova BiH Igor Crnadak će se danas obratiti medijima povodom objavljenih aktivnosti Tužilaštva BiH kojima je obuhvaćen i državni službenik BiH zaposlen u MVP-u BiH.